

# Quæstiones Medicor Omnes

In Scholis Parisienses Agitator,

Ab Anno 1655, ad annum 1663:

Atque Theses Medica extraneæ:

quas quidem Summâ diligentia collectas, in ordinem dispositas,  
et nitide colligatas, orando Facultatis Bibliotheca contineant

M. Hyacinthus Theodorus Baron, antiquus ejusdem ordinis  
Decanus:

M. Hyacintho Theodoro Baron filio, quæstum Decano,

Anno 1754.



tom. VII.

# QVÆSTIO MEDICA

## QVOD LIBETARIIS DISPVATIONIBVS MANE DISCVTIENDA

IN SCHOLIS MEDICORVM. DIE IOVIS VII. IANVARII.

M. DIONYSIO GVERIN, Doctore Medico, Præsede.

*An Melancholici brevioris vita?*

10326

**V**T in plantis & animalibus singula individua post certum vitæ tempus intereunt, sic hominem necesse fuit ipsdem principijs ortum similiter fato fungi. Bruta, cum ratione carcant, de conservatione suæ speciei nequeunt esse sollicita, sed solius libidinis æstro incitata in complexus ruunt: Non sic Homo animalium & inferioris mundi Princeps, vniuersæ naturæ compendium, quem præterea ratio admonet, cum se mortalem & dissolubilem sentiat, non omittendam esse sui nominis commemorationem, sed aliud individuum sibi simile in suum locum esse reponendum, per quod quasi repuerascens quodammodo perpetuus fiat & æternus. Proles isthæc propagatio & generatio prima est altricis animæ communio cum calore, vt vita, illius in humore primigenio permansio, qui si copiosus, pinguis, lentus, crassus, æreus, longioris vitæ causa existit, breuioris contrà, & maxime si excrementorum exuperantiâ, quam orium & intemperantia pariunt, obruatur, aut vigilijs, curis, sollicitudinibus illius fiat imminutio & deperditio, vnde partium siccitas & senium ad interitum via.

**N**ATVRAM nouerari ne credas quod bruta animantia ad quina denaque sæcula vitam producant, & homini, in tam magna & excelsa genito, breuiorem multo & citiorem terminum indulerit. Magna ingenia, vt parum facis ponderisque traxerunt, ita vitæ minus auida semper fuere, quam neminem velle ingredi putauerunt si daretur scientibus: Nunquam tamen maior viuendi cupiditas, minor cura. Hic quotidie eijciendo vorandi facilitatem molitur, vino se obruit, neruorumque firmitatem nimia vligine mollit & eneruat, perditque valetudine corpus victum & effectum tradit senectuti: Ille superuacuorum laborum operosâ sedulitate corporis vires exhaurit, aut graui & pertinaci animi contentione, melancholicorum instar, in studia & res serias incumbens, raptu caloris & spirituum ad superiora, cerebri *αἰθρῶν* inducit, chylosim inturbat, cuius noxam non emendat secunda vel tertia coctio.

**M**AGNITVDINI corporis aut paruitati tribuenda non est vitæ diuturnioris causa. Grandioribus quibusdam animalibus homo viuacior est: Plantarum & Insectorum multa sunt *ἐπιτήρεια*; quæ crasso, lento, multo, pingui humore abundant plantæ viuaciores existunt vt olea, platanus, cupressus, & vel ipsa palma Delia. Qui frigidas & septentrionales plagas incolunt, ijs qui calidas habitant *μακροβιότεροι*, quippe dum ambientis feruore humidum primigenium absuntur, cita mors venit, vt Æthiopicus qui vix annum trigessimum excedunt. Melancholici, cum qui acido & frigido abundat succo, cum maxime atrabilarij, *ἐλγυρρόνιοι* sunt: Illi hebetes, stupidi; hi folertes, sapientes, ingeniosi, *πολυεργόμωροι*; *αὐθάδεις*, *δυσχερῆς*, plerique egregij comedones, sæpiusque valetudinarij, dum suorum corporum robora inquietâ & versatili mentis agitatione frangunt. In multis, vt in Polydamante, nimio robore membrorum mentis vigor hebescit, quasi sit supra humanam felicitatem eundem esse robustissimum, viuacissimum & sapientissimum.

**G**IGNENDO cumulandoque sanguini melancholico obnoxij sunt qui, ob naturalem temperiem viuendi que consuetudinem, iecur & cor frigidum, & hypochondrium sinistrum distentum tumidumque, & lienem infarctum imbecillio rem-ue obtinent. Tales in hydropem faciliè incidunt, a quo superueniente non longâ dyfenteria liberantur. Temperie biliosi, aut etiam sanguinei, (maximè si perspiratione carent, vitæque conditio sit tristior, studijs, curis, negotijs grauioribus, contemplationibus implicita, nullâ interpositâ animi aut corporis oblectatione & exercitatione) in melancholicas affectiones faciliè incurunt, quarum metus & tristitia certa sunt & indubitata *μελάνχολια*. In his ob Dioleam phlogosim praua fit coctio, eibus assatur non elixatur, calor est vitulator & *λιγυνώδης* non *αἰτμώδης*, vnde natius calor carpitur, corpusque causarium & exsuccum statim præceps ruit in senium; hinc morborum seminarium. & amplissima medicinarum seges, nihil tamen proficientis in malè morato corpore, nam ex viuifici nectaris penuriâ excrementorum omnium prouentus sobolefcit: In talibus sæpè faciei pallor, & interdum *δυσχρῆα*, & moestitia, quæ si diuturna, perniciofa esse solet; cumque animus pariter cum corpore sæpius ægrotet, sunt verba & voces quibus intestinos lenire dolores possis, & magnam morbi depellere partem.

**M**OLLES, candidi, obesi vix humoris melancholici copiam exaggerant, in his sanguis, benignus, temperatus, dulcis, ex quo solum bona fit nutritio, miraque naturæ prouidentia videtur effectum, vt radices omnibus qualitatibus affectæ fuerint præter quam falsâ: Melancholici verò ijs arboribus similes sunt, quæ in regione aridâ & sticculosâ nascuntur, suntque macri, hirsuti, *ὠχρόχραιοι*. In his sanguinis *φθορὰ* & *λύσις*; quo quidem licet venæ turgescant corpus tamen emaciatur, marcidum & squallidum fit: Et cum acer fit, sanguinosus, nitrosus, vt alendo corpori ineptus reijcitur, respicitur, doloresque excitat qui cum erroneo motu huc illuc acti fuerint, perniciosas sæpius *δυσχερῆας* moluntur. Tales vt dolendi sic conquerendi finem non faciunt, vnde non abs re medicorum cruce & tormenta nuncupantur, calida & æstuantia habent viscera, ijsque vnâ cum calore innatum humidum disperditur, & velut tabificâ febre ærescentes immaturâ morte decedunt. Nec mirum si rectè ijs consulitur sanguinis detractione, purgatione non *ἀδρπορῶς* factâ, balneis, lacte asinino, vt victus ratione paulò pleniore & humidior ad *δυσχερῆας*, maximeque ex alimentis quæ lentum, viscidum & glutinosum succum habent quæ cum calori acri, vitulatori & depascenti resistunt, congenitam senij & interitus causam retardant.

*Ergo Melancholici brevioris vitæ.*

DOMINI DOCTORES DISPVATVRÎ.

M. Ioannes Anton. Bourgauf.

M. Michaël Langlois.

M. Germannus Hurtau.

M. Ioannes de Bourges.

M. Robertus Patin.

M. Michaël de la Vigne.

M. Franciscus des-Francis.

M. Ioannes du Cledat.

M. Claudius Quiquebauf.



Proponebat Lutetiæ ABRAHAMVS THEVART, Parisinus, A. R. S. H. M. DC. LV.